





忍令湮沒而不傳也余自垂髫
時即受知元仲元仲愛余
不啻羊棗菖歎之嗜元仲
時執牛耳勅宰理窟超
超玄著譚論剖析如列國

霸儒詞雄氣高多不解
折角其文如空青水碧時
刺凡目故鑿羽者再而元仲
自謂非戰之罪也其嗜古文
辭尤甚于制義壬辰舉進

士信邑符簡竒拔異之
外輔之以彰教化俗
齊魯之士彬彬
嚮風晉擢天曹郎
典楚文衡未幾叅
知政事命甫下而
元仲卒矣元仲卒而
集

入于黃京兆雲蛟又轉而入于
門人梅吏垣長之魏太史道
冲始收其散逸付之余奉
命往權吳閩遂捐祿為元
仲梓而終以元仲為知我

昔咕嗶割義而元仲為余
序謂余倒橫直豎多施不可
呶哦聲訪而元仲又為余
序謂余直舉胸情非偽詩
史此其詞固多溢美而一

段脉、神情則千載知已
也信太玄、之足傳者豈獨桓
君譚一人已耶元仲春容
博大不峻城府居恒不問生
計而戶外之履聲常滿

極困恤急一洗葛屨沮汝
風當新安入相屨物色之
而不一就新安高其誼招之
以詩曰於陵自喜灌園高尺
尺平津不可招乞得小園

堪避暑薰風莫惜馬蹄一
其為所重慕如此宦遊十餘
年剛腸直道所至有聲即
執炎柄未嘗藉羶自潤迄今
朝紳咸曰長者長者猶憶乙

已之秋元仲假歸省墓拉蒼
頭控款段出宣武門口占曰我
有一片心懣懣未獲吐忽而
委道傷心灰口自杜已後款
髯曰乃今得脫衆招地抵繁

露園載牀頭新釀與二三
心如共酣擊唾壺矣詎意二
豎爲崇輒溘焉朝露也獨
怪元仲才品及越一世其知
覽博物而圖不朽者僅寤

龍席而挾風雲具鑪錘而樹
山斗乃任不乞而生有涯豈
魏之地力徵抑元仲之靈
秀盡耶元仲之先仲舒下
帷發憤潛心大業史稱其有

王佐才而终于膠西之相生
平不治家產以修學著書
為事甚哉元仲之似仲舒
也繁露之業其清明竹林
之別墨歟余梓之以當延

陵之劍而謬附于太玄之知
若玄晏先生則有本寧氏
在

壬子七夕五鹿居士張
銓書于虎丘山下



董元仲集序



董元仲自少善古文辭其為舉
 子業亦以古文辭緣飾之歲而
 子應京兆試文甚奇謂可者謂不
 可者正半獨吾友郝惟順爭之強
 此文章大手筆不可失也榜出幾

輔弼為知人許文穆遜謝曰此部
廣文之功惟順數與余談其事余
心識之辛丑元仲復除東阿令余
得見之穆尚史所談謔如平生歡
分韻賦詩而別已元仲入為吏部
郎典楚賦負水鏡之目而有嫉媚

之者請急歸尋出叅知政事則元
仲先卒矣友人張民部平仲行
其遺文屬余序之蓋

本朝人文極盛成弘而上不暇逮弘百
年內外約有三變當其衰也幾不
知有古德請問二三子反之而化

裁未盡嘉隆間二三子廣之而摸
擬遂繁萬曆間二三子翫之而雅
俗雜糅矣一再變觴于師古之變
觴於師心元仲折其衷而矯其偏
不拘牽以為格不奔放以為雄不
儂薄以為逸不摭拾以為富不杜

撰以為新不隱絕以為奇不穿鑿
以為巧不隱僻以為深不艷冶為
色不妖浮以為聲其書破萬卷
而約其言為一家其體該衆作而
適宜每兩傷無論三代二京六朝
三唐即宋與近代名家未嘗不

輻湊並進而操縱在手曲暢亨通
如郢之斤儻之凡梓慶之鑲輪扁
之斲師古可以從心師心可以作古具
腐為神奇而嬉笑怒罵悉成章
矣昔吳季札觀魯六代之樂為之
歎魏曰大而儻儻而易行大者病

不能婉儻者病不能行惟魏兼備而
用之元仲之文顛此豈得之士風耶
今公卿大夫賢且多為



國家柱石為人倫冠冕莫如魏而
文章之業若穆敬甫魏懋權兩君
子鼓吹六經如函可氏休明一代

元仲鼎足而立環觀方內人才之盛
未有比也之人皆為吏部郎仕不
達而元仲懋權皆年未五十敬甫亦
非上壽續其遺文光明俊偉之庶
溫厚和平之氣縱橫揮霍之才鋪
張潤色之猷堅忍峻拔之操素效


於用世而可以傳世不朽何所讓於
諸公卿魏之為大名也信哉天下論
文事方奔走東南而西北諸君子
起而角之未知鹿死誰手往者江
東獸步是為鼻州與穆魏有行
縞交惜不及見元仲耳平仲游

吳吳復有弇州其人者否謂元
仲矣若即不然俟之後代有吳
季子必以元仲當魏風無疑也
余附名集中竊比吾友之知元仲
有餘榮矣

大沁山人李維楨本寧甫撰



紫陽山樵汪從乾書



繁露園集目錄

卷之一

序一

送兵察雲間滬海陳公調最河南督學序

郡守揆宇塗公以治最超遷光祿少卿序

王郡理考最序

大名令鄭心緝治最榮封序

郡佐蔡易菴致政歸里序

洹令王萬川治最受封序

送郡守懷劬劉公遷冀南兵察序

送廣平郡守劉際明入 覲序代

廣武郡理胡懷南治最承 恩序

卷之二

序二

元城語錄序 垂休錄序

朔方奏議序代 古交編序

少岷先生拾存篇序 逍遙園集序

張平仲詩序

卷之三

序三

壽大司馬繼津王公七十序

壽鹿門茅先生九袞序

壽黃上澤先生序 壽但少洲序

壽方母王太夫人七袞序代

壽張太夫人文 海岱蒼翠圖詩序

海屋添籌圖詩序 縣圃高公壽圖小序

卷之四

序四

山西武舉錄序代 甲午山東齒錄序

山東丁酉齒錄序 山東歲貢齒錄序

章丘縣志序

內黃縣志序

卷之五

序五

尹鼎衡歸楚詩序

送于褒甫歸試自下序

黃中五登順天賢書序

竝玉序

登樓雅倡序

但少洲詩卷小序

王節婦受旌序

王母存孤卷小序

翼城史氏族譜序

野菜圖說小序

饑民圖解跋

卷之六

序六

近科衡文錄序

齋魚觀風錄序

叙李若蒙稿

序劉百世山中草

橫槩餘編小序

叙陳澹叔四試草

玄雲洞制舉義選序

楚魏兩生制舉義序

木犀香自序

王信卿四書稿序

序三造士匠意錄

王信卿四書捷解序

王信卿詩經捷解序

卷之七

序七

方氏族譜序

楊太宰二山 覃恩存問序

送賈少蘭之荊州教授序

壽傲韋先生七十序 壽陳太恭人序

陳伯倫登雋序 繁昌王舉子序

卷之八

序八

陽平二雅序 三事忠告序

宋祭酒過元故宮并客北平詩引

重刻太白山人漫稿序

王徵君琴鶴館集序 委巷錄序

馬曹集序 程中權詩序

穆仲裕湖山覽勝詩序

陽宅真訣序 序郭應璠稿

卷之九

記一

大名縣修學記 齊東縣重脩儒學碑記

七忠祠記 鳳翔府東橋記

滑縣南關橋碑詩有引

卷之十

記二

駢異堂記

重脩龍泉寺記

新立三清殿碑記

郡守永嘉陽谷王公生祠碑記

郡理魯岳方公去思碑記

王氏新任記

卷之十一

誌銘一

明承德郎黃州府通判東漁張公暨配安人趙氏宋氏合葬墓誌銘

明大中大夫陝西叅政大名椿巖張公墓誌銘

明遼東苑馬寺卿豫齋吳公墓誌銘

明封戶部主事雲峰鍾公暨配安人王氏陳氏墓誌銘

明戶部山西司郎中大名晉石竇公暨配錢安人合葬墓誌銘

卷之十二

誌銘二

明西安府教授敕封刑部主事小疇董翁墓誌銘

明濟寧州知州仲白張公暨配劉宜人錢宜人
劉宜人墓誌銘

明迪功郎筆峰高仲子暨配謝顧二孺人合葬
墓誌銘

明待封壽官後村陳公墓誌銘
魏新菴墓誌銘

卷之十三

誌銘三

附

墓表

行狀

傳贊

明敕累封張母劉安人墓誌銘

明文學王公暨奉

旨旌表節婦何太孺人合

葬墓誌銘

孟孺人墓誌銘

明郊縣丞兩崗董君墓誌銘

宗姪以通暨配崔氏合葬墓誌銘

明都察院右僉都御史巡撫順天忠菴耿公行

狀

竇郎中傳

詹山人傳

連節婦贊

有序

卷之十四

誌銘四

大學士對南山陰王公墓誌銘

敕封周孺人墓誌銘

明處士荆亭素公暨配董夫人合葬墓誌銘
卷之十五

表狀記文

明嘉議大夫山東按察司按察使后墅張公墓
表

明誥贈資政大夫兵部尚書故慶府右長史廣
平棘亭王公暨配都夫人趙夫人合葬行狀

北畿會館就日堂碑記

滑縣重脩畫舫齋記 程君房墨贊

卷之十六

祭文一

祭鳳洲先生

祭陳玉壘老師

祭馮大宗伯

祭穆少春

祭魏懋權考功

祭韓見雲駕部

祭張賁川刺史

祭肥城令卞九芝

祭王益吾年兄及

敕表烈婦畢年嫂

祭蒲年伯母暨蒲年兄

卷之十七

祭文二

祭封大中丞魏年伯 又祭封大中丞魏年伯

祭趙封君

祭梅太翁

祭顏封君

祭崔處士 文學瑛父

祭許公子

祭陳太學

祭王夢槐 名承烈東封參軍也

祭仲父龍田翁

祭宗姪席玠

卷之十八

祭文三

祭王太夫人 荆石相公母 代

祭盛太老夫人

祭王安人 陳兵憲滄海元配

祭王年伯母

祭史太孺人

祭石年伯母

祭王太夫人 霏化令之臣母

祭吳太夫人

祭張母太宜人

祭吳夫人

卷之十九

五言古詩

喜雨

夏日同高荻之李若蒙毛茂新張若恂楊茂弘

讌集張平仲南園

弔宋鵝池投海

周節婦詩

怡怡堂為史五陵伯仲也

送李本陽明府之祠部

送盡手侯生歸陽丘 賀小梧蘇舉子一律

卓錫泉同林志唯年兄小酌

懷陳汝威社文 出都門感懷四首

自清源經陶山每日逆風家人且報糧絕矣感

賦十二韻

七言古

飛六亭歌為陳澹叔賦

送雷學博之永寧 繁露園歌送景時庶文

學歸陽丘兼寄張允升先輩

三鳳吟

送若蒙茂宰之聞喜

敬菴兄樓成為賦一歌行志賀

陳生行 陳自新 送曾封翁編脩曾長石

之父

畫舫齋歌

黃鶴樓歌留別鄧汝高竇燕雲二年丈

楊村北舟中中秋 天津阻風用栢梁體

渦口卽事戲筆

卷之二十

五言律詩

衛輝道中望蘇門

詠懷十首

劉伯世

先輩

宿彌陀寺奉命

弔張叔廣

過唐山

送李本陽之祠部

雙壽卷

為人壽母

南和道中

同閃獻明用壁間韻二首

普照寺十首

即事

九日校射二首

碧雲寺小憩

題盛大叅卷

送宋季方山人歸西屏

弔李北山尚寶

高孩之明府席上以陶

句心遠地自偏為韻分得自字

夏日同湯太史嘉賓沈職方伯含集劉先輩百

世北園水亭分得煙字四首

立秋前一日共賦前字

少司馬趙公招飲黃鶴樓

渡河二首

題關壯繆將軍廟

謁大復先生墓

送祁念東督學關中

送康光祿之留都

送沈伯含年兄歸越

陶山道中四首

送魏玄之歸樂昌即用

玄之重九前一日八韻

卷之二十一

七言律詩

送劉厚吾年兄兵察之關中

陽丘游侯考最

送大中丞孫藍石之任

送郭孟愚之樂陵楊德潤之齊東令

敖公子猶龍初度

送魏見泉中丞

送賀伯闇奉母南旋

夏日同沈武選年丈王車駕寅丈飲劉百世先

輩齋頭用燕字

賦得沈相公宅秋日牡丹二首

春日同考功王罔伯職方朱仲成集穆仲裕內
史宅聽周山人彈琴以高山流水爲韻分得
山字而石少尹以乚調罔伯云如今方格事
山濤得意時故未及之

謁 陵恭紀

香山

送南玄圃太僕罷歸關中二首

寄題陳汝威北郭樓 棲霞樓讌集一首

輓張仲白刺史

送郡博蔡益吾之成均

壽于宗伯穀山先生 登蘇門

寄題韓中丞山莊

即韻答宋季方布衣

即韻奉答陳汝威觀察

寄懷張元平考功留都二首

送朱半石年兄奉使

顯陵便道歸雲巖

送夏鶴田奉使琉球

送李少麓茂才歸陽丘

穆仲裕齋中侍讌李本寧得相案

春日咏懷八首

有引

不佞居里頗聞時政意傳之或妄入都月餘
乃更異于前間觸事感懷未敢于廣衆訟言

而孤耿有違不能不形之篇什因賦七言近
體八章匪敢托于風雅之遺聊以寫余心之
隱憂云爾燕有客如雲倘亦有意乎好音之
懷者乎譬如草木吾臭味也不佞無難爲糠
粃矣

穆仲裕別業分得相字

送周伯世丈歸吳

即韻答尹昝衡下第二

首

送張太史出使襄藩

題柱史際宇崔老世兄九載考最

元城南樂兩邑

明興二百餘年無贖中秘書

者即概一郡亦斷自戊辰近四十陽秋矣顯

伯中五一時並爽余聞而喜可知也賦以志
之政不必論其工不工耳

送祁念東督學關中 送可大馮年丈

次倪爾淡年兄春日寫懷十二首

壽朱佩黼太母併其孀母兩母皆節婦共存佩
黼 十六日同遊延壽菴遇

雨次丁泰來年兄韻得八首

送岱晟朱年兄出餉漁陽因便歸省二首

送張平仲之平陽節推

即韻答魏顯伯太史送別

登舟

天津高倉部塘 賜宴

賦此志謝

卷之二十二

五言絕句

衛河汎舟遇雨十首

七高詩

右韓嵩字德高

右吳筠字貞節

右元縉字次山

右陟岵先生姓邦遺其名

右張澄字仲經

右李從今明卿

右李宗木繼仁

座中聞吹笛又長笛一

繁露園集 目錄
聲人倚樓爲韻賦七首

安德舟中逢誕日八首

七言絕句

定興逢李若蒙二首 憶張叔廣

贈七十翁胡公 壽高封君縣圃明府父

也四首 登蘇門阻風

又阻兩 昌平道望山陵

賦得高山流水四絕 穆仲裕宅同王罔伯朱

右高字 右山字

右流字

元夜六絕 應蘭皋招登黃鶴樓二

絕

又一絕過恨這關

送祁念東督學關中四首

送黃叔相按部江北十絕

送同卿李純之出使江北四絕

清源即事四首

繁露園集目錄終

繁露園集卷之一

序一

送兵察雲間滬海陳公調取河南督學序

周禮大司徒以鄉三物教民而賓興之不揣程以六藝漢雖有博學宏詞諸科而建元下詔亦惟明當世務習先聖術者縣次續食令與計偕唐楊綰亦以進士襍文明經填帖為無用請依古察孝廉與進士明經並行獨宋王臨川改科舉為經義晚年乃大悔曰

陽平董復亨元仲父著

同郡張銓平仲父校



本欲變學究爲秀才不謂變秀才爲學究蓋士君子自有真經濟真學問而墨書帖義果不足以概爍景流鍾之英含經味道之儒也

國初功令有孝弟力田人材徵聘歲貢進士諸科後諸科漸廢惟進士科與歲貢科並舉後歲貢科亦漸落寞不振而進士科獨二百年來名臣大儒趾接而出然迄于今濫觴極也議者咸謂廣厲轉移權在郡縣諸博士與督學使者夫郡縣諸博士皆白蠟明經日暮塗窮輩學人其何賴之若督學使者則諸學人所望爲嚆矢要非蘭薰雪白之行鳳質龍變之文不

能與其選吾魏兵察使者滬海陳公姘節道文江東獨步以今

上丙子舉于鄉其應制諸義珠圓玉潤海內人人尸祝以配震澤毗陵無間言後一紀舉己丑進士高等海內益推轂之起家郎署浮湛中外又十年來鎮吾魏纔數月主爵者以公文行高又玄菟樂浪間戎旤稍息區區三郡不宜久稽海內大賢中州黃河太室故材士淵藪於是移公督中州學公治裝有日而吾魏搢紳先生私向不佞語曰大樸必凋大白必采公用江左之藻綠中州之朴將無令濟之肩比應德麟

萃仲常鴈行師道臚列乎不佞曰參秦小義恐未足以悉公則又曰大雅不作新聲代變公生陸謝之鄉建左馬之鼓將無令獻吉不死仲默復生子業骨肉仲鳧枯華乎不佞曰文章卽不朽盛事經國大業恐無當于用則又曰麟鳳瑞世牛馬負重公于經義之外不時誨以古名世之業將無令洛陽持衡鈞陽秉樞韓富司馬左提右携而濟兎角龜毛之運乎不佞曰太上立德其次立功請更有進焉則又曰異學日新正道久晦公于本業內不時提醒以諸儒先之教將無令伯淳爲鉤正叔爲繩堯夫公挾規趨矩步而

息蔥嶺苦縣之煩乎不佞遽然驚曰美哉至矣公于此道恢恢爲之有餘刃矣然不佞又聞之中州安危關天下理亂而中州人才盛衰又關國家隆替近日中州卽不爲無事而公爲國儲材立言則言立功則功立德則德無之不可庶幾周禮三物賓興遺意而不厯厯課士以頡滑曼衍之詞如三季之末世則公是役也寧獨中州士習藉之楷模其自

高文以下九廟神靈寔托重之因次第其語質之公郡守揆宇塗公以治取超遷光祿少卿序

聞之兩漢蓋取重二千石云其有茂蹟渥澤治理異

等者輒用璽書勉勵增秩賜金或爵至關內侯公卿
缺則選諸所表以次用之如黃次公以太子太傅徵
朱仲卿以大司農徵龔少卿以水衡都尉徵召翁卿
以少府徵劉文饒以太中大夫徵宋叔庠以尚書令
徵皆懸不次之擢待非常之吏故當其時縮銅垂綬
稱二千石者人思滌奮循吏輩出史不勝錄何其廩
廩多德讓君子也

明興洪永宣成之間猶存兩漢遺意何文淵徑遷少
冢宰王端毅徑轉左方伯此類最多未易指屈嘉靖
間僅一王德明有太常少卿之擢以後遂寥寥矣循

資計歲沉淪方臬幾二十禩纔敢望京卿開府之命
繩墨束縛匈臆約結卽有奇亦亡所施此而猶望二
千石人思滌奮如兩漢國初之時是以數金之直而
欲易粹白之腋恐亦數之所必不得耳日者

主上遊心太古廣延茂士期登政平訟理之化意謂
與我共此者惟良二千石故不時舉殿最以示誠勸
而閣臣上疏亦欲重外吏破循資常格以待卓異是
時郡守揆宇塗公歷任已四載恩信徧滿十二州郡
所謂懸廬江之魚返合浦之珠秀漁陽之麥渡九江
之虎者公悉有之會當入

覲公遂以治行第一留佐光祿蓋百餘年特典云按百官志光祿于周爲膳夫屬太宰掌王之食飲膳羞所謂六穀五齊七菹三醯者要以節嗜欲而益聰明其職最爲喫緊

主上以公玄心道氣故允閣臣言復二百年

祖宗特典則夫奉衛摠署辨魚執經陳德人義士之箴述九重八珍之規清明

主德而強固

君身者公固饒爲之有遊刃矣然不佞又有進焉兩漢國初其吏治之盛與所以馭吏之典後世誠莫敢

望然霸位至丞相文淵位至大冢宰功名視治郡時稍減其餘卽皆以功名終然獨王端毅差強人意餘已鹿鹿無奇矣致令兼材通儒盱衡而嘆謂此數君子者廩廩于治郡而不必烺烺于佐主豈天之生才真有宜有不宜毋亦盛滿難持晚節末路猶令人見而左唾乎公平生作用悉從赤心片片流出而其才揮霍閃鑠如神龍然能大能小豈其異日當台鼎之寄期許注厝或遜稷契而謝韓范乎必不然矣公滇人也滇中土厚山奇停而爲人多磊落可備緩急如先朝楊少師近日嚴太宰寂號名臣公嘗向不佞慕

說兩公之爲人故不佞敢私與公屬下令李君輩約
曰異日滇中當有三名臣少師太宰之後非異人必
公也李君輩皆爲不佞首肯曰知言知言因書而致
之光祿署中

王郡理考最序

漢武帝末酷吏蠶起民益作奸扞罔大獄煩興鬼薪
城旦赭衣載道昭宣因之下功令郡國所舉用多蒸
蒸廩廩之吏而是時雋不疑于定國兩曼倩最有名
不疑守京兆每行縣錄囚徒還其母輒問不疑有所
平反活幾何人多卽喜咲爲飲食語言異于他時不

卽怒不食故不疑爲吏嚴而不殘而定國學法于父
于公公故決獄平嘗辨東海孝婦之寃以此定國爲
廷尉民自不寃然不疑名聲重朝廷赫赫貴顯定國
代黃霸爲相封西平侯不聞昭宣兩帝所以寵異雋
毋獎拔于翁何似也豈漢法簡佚自便卽神明迪詰
如昭宣不能破格榮其所自出耶異日者

主上深惟海內樸雕觚園卽趙魏股肱郡最稱慷慨
椎魯質無其文者不能不波巧僞相蒙莫可究詰儻
非明察之官忠信之長鮮不蹈巧足覆盆之慮於是
命琴川王公來理郡事公發奸摘伏如神而中固長

者決法讞獄務依忠厚不爲武健嚴酷之行以故有
司不能決質之當道當道不能決委之公者公片詞
立辨時時以治最聞

主上聽然色喜而公時向郡人士稱曰余何能爲惟
是二大人在堂余小子侍寢食餘暇二大人數相囑
曰沒不復生斷不復屬孺子勉之若縱舍非良民而
組織非奸吏弗稱吾子矣余小子奉令承教庶幾追
于臯戾不余何能爲蓋三載大冢宰上公治狀

主上益聽然色喜業已授階文林郎而又封太公如
公秩曰是自安二徑之居肇啓一經之緒者封太母

爲孺人曰是勞多贈佩愛篤和丸者然則公之治獄
何減不疑定

主上之知公何減昭宣兩帝獨雋母不能得之于昭
于公不能得之于宣而太公太孺人得之

主上公之遇視雋于兩曼倩尤奇也已而

主上授公制詞且曰天雄畿輔郡志稱崇禮讓號易
使今且浸浸獄訟煩興爾尚惟良折獄求協于中以
稱朕嘉師至意朕將顯庸爾嗟嗟

主上蓋以魏風諸郡以公風諸吏不疑定國之業且
暮遇焉太公太孺人白首相莊彊飯健步百歲而上

不啻余又安能究厥榮施然後世有操筆如班孟堅者附太公太孺人于公傳如雋母于翁故事則或有取于余言矣

大名令鄭心緝治最榮封序

聞之范蔚宗贊循吏曰政畏張急理善烹鮮一夫得情千室鳴弦而先臣唐應德之詠名宰亦曰無言似桃李有志咲鷹鷂多暇卽開卷長貧不受錢蓋庶幾廩廩德讓君子之遺意不必赫赫務橋度乃稱高第異等也余嘗持是以概郡縣長吏未有當者而獨貴鄉長心緝鄭公可以輩前世良吏如蔚宗應德所云

貴鄉故吾郡一彈丸邑其城郭戶口租賦俱不能當他邑之半先是吏茲土者意不盡屬厭亡何卽謀調煩劇公晉江人晉江故才藪公對公車又藉甚諸進士初謁選得貴鄉諸進士相與目咲公曰鄭郎柰何得一城如斗大乎公固大喜曰先大人溘先朝露太夫人春秋高矣令不佞典劇邑牛馬風塵日不暇給卽欲旦晚從太夫人稱觴戲綵寧詎能乎第獄易讞租易辦薦紳先生易悃悃相與貴鄉固宜不佞不佞其何不宜貴鄉也蓋三禩于茲皜然不滓而家無逋租囹無滯訟氓嬉里士鼓膠出則于旄龍丘任棠之

門訪民疾苦入則問太夫人無恙外焚香讀古名臣
事蹟于俗吏所兢兢毛摯薪束爲名高者一切抹撥
示于祥鸞馴雉之理二三父老于于安之卽直指
歲終上諸長吏治狀無不首推轂公

上唯是嘉嘆再四贈太公如公秩太夫人封孺人
卽曰政迹茂異令名顯聞感物行化貴鄉令其足以
風矣於是諸薦紳先生儼然造不佞謁辭不佞自惟
少讀蔚宗之贊應德之詠幾二十年妄謂仲謀之爲
新都叔方之爲雍丘殆饒爲之非近代所有不謂有
如公者而生當吾世公之以治最顯又當吾地也然

仲謀叔方遇章帝寬大長者留心民瘼故新都用政
化蒙褒雍丘用禮讓蜚譽

主上英明靈爽遠過章帝郡縣長吏浸務標奇見異
博踔絕之名公獨用寬和恬漠受知蒙眷此其數尤
異諺曰惡在火浣木綿止寒惡在海錯脫粟消餓則
公平則公平

郡佐蔡易菴致政歸里序

余家滇南去蜀不千里許然聞其中峨眉之勝甲域
中每誦陳拾遺詩浩然坐何慕吾蜀有峨眉與趙清
獻公蜀山天下奇三峨厭岷右之句輒神馳久之然

又意其中必有異人拔起卽不能踞絕頂覽岷江一
快平生誠得其人者與之上一堂左提右携匡所
不逮平生志願或不至消歇都盡也旣浮沉南北無
所遇今歲從留都郎來守郡而佐郡者寔惟易菴蔡
公公十年前嘗倅是郡有能名故當道者輒復以公
來余因是不喜得郡喜得佐郡如公者庶幾逭於罪
戾耳每杯酒間談及峨眉之勝洋洋纒纒若河懸風
生余益神馳不能已已公爲人儻宕簡佚不立城郭
又剛腸忠實心絕不善俗吏俯仰態余嘗嗟嘆峨眉
之秀其盡在公矣然公竟以不善俯仰噴被人言銓

曹議欲別用公公力請於大冢宰懸車而去余率二
三僚友向公唁曰積羽沉舟聚蠱成雷奈何哉公之
不免也公曰禮義不愆何恤人言公等試視僕面孔
豈沾沾以五馬牢落終身乎南山之南北山之北奚
非男兒事業也且嚴君在堂僕稱觴上壽畢拉二三
朋好訪葛仙之洞弔楊雲之墓拜武侯之像尋杜甫
之宅令人呼峨眉洞天主人足矣紅塵赤日關人何
事而快快不休耶余益嘆公有古人之風於是寫圖
送別而二三僚友各系詩於下方余閱古志稱陸通
隱峨眉山採桂櫺餌黃菁不知所終而昌黎有慕於

李愿盤谷之歸亦欲膏車秣馬從之徜徉余匏繫株
守媿不能從公家桂櫨黃菁想應無恙公歸矣幸不
時寄我無令余逐逐牛馬中徒側身西望而咨嗟也

洹令王萬川治最受封序

近日吏治每右卓異而左循良進刀筆而退勸課以
故海內銅墨之長人思赫赫見竒卽以此希渥寵陟
崇階顧于國家元氣生靈命脉不無稍損不佞竊意
廩廩何必減赫赫也趙張之弔詭何如龔黃之致平
郢甯之蒼鷹何如卓魯之祥鸞班孟堅范蔚宗所傳
循吏在此不在彼要其中非鹿鹿無竒者假令今之

世而有治亂民如亂繩若龔用寬和爲名若黃教化
大行若卓魯不入境若魯卽以此悶悶于干不受主
知不佞且爲執鞭所忻慕焉而况其仁心實政叢民
譽而荷

主眷若洹水長萬川王公者乎公家東牟起家乙未
高第初除吾郡之廣晉廣晉城如斗大公弗厭時時
卯而翼之幾二禩于茲政平人和境內喁喁頌之曰
明府吾儕衆人母也公治狀遂冠三輔而兩臺使者
以公治行高此彈丸黑子地不宜終屈大賢上之主
爵者公遂用最調洹水洹水去廣晉五十里而近其

戶口幾何錢穀幾何訟獄幾何較廣晉皆倍之公治之若烹小鮮斟酌寬嚴壹稟休養不浹月而洹水境復喁喁頌之曰明府吾儕衆人父母也亡何公以今洹水治狀合前廣晉治狀滿三載考兩臺使者復緣主爵以

聞遂晉公秩而贈大翁大母具如公秩太翁故嘗爲臨城令治狀最有聲不及竟其施而發之于公諺曰桂林無棗苑麟洲無豺虎蓋是謂乎于是洹水薦紳先生儼然致賀詞者填門溢巷而廣晉與敝邑一二薦紳聚族謀曰吾儕辱明府庇廕更先洹人士誼不得獨後洹人士致賀詞不佞竊睹

主上神聖萬出尋常時施不測恩威以鼓舞百官而其于州縣之吏特故苦之靳不與臺諫之選望如異他日選諸所表以次用者蓋絕寥寥也不佞妄意亦州縣之吏大都赫赫見奇如不佞前所云右卓異左循良進刀筆退勸課無足當上心耳故甘心廢閣公不爲世俗一切治狀而獨仁心爲質如桃李不言下自成蹊特嘉而亟寵之此于

聖心有深契矣今日褒公爲良有司異日何渠不登公爲名臺諫公今日循循于民上異日何渠不諤諤

于闕下國是政體日非一日政藉公輩一洗之苦鸞
箋鳳詔恩及所自一歲兩下不爲少公寧不用是爲
榮然公所以報主

主上所以榮公寧董董此余蓋旦晚以俟矣

送郡守懷劬劉公遷冀南兵察序

漢中古益州部秦子敕所云帝以會昌神以連福布
治房心決政參代卽其地也毓爲人多沉雄寬博砥
厲世風蘊概名誼濟當世之用若張光祿猛李太尉
固權平章德輿蓋其選已以概今世卽郡守懷劬劉
公公蒞魏凡五載外寬內明務去太甚似黃次公廉

平不苛以愛利爲行似朱次卿不拘文法一切便宜
從事似龔少卿勤力方畧好爲民興利似召翁卿以
禮訓人不任刑罰似秦伯平簡除煩苛禁察非法似
劉祖榮郡父老具能道之無俟不佞獨其崇好儒雅
敦明庠序每春秋饗射朔望拜謁則進學官僮子爲
講說經術與古名賢行事無不人人味其言而學人
或有婚葬不能舉與爲鄉里之豪所武斷者公輒損
俸金之餘且不時爲處分諸學人又無不人人各厭
其意退而喜相語曰吾師吾師暨公今歲以治最遷
山西副使兼少叅分守汾遼諸郡魏人士相與愀然

若免赤子于懷曰誰而更督誨我乎困孰恤我而憤孰釋我乎則皆詣不佞跽請曰吾儕學人荷公如天之庇卽摩頂踵不足報欲殫精竭思頌公功德則心俵俵若有失而口期期不能出敢徼吾子一言不佞輩公于前世諸循吏獨漢河南守吳公謹身率先居以廉平且憐才好士嘗薦賈太傅爲漢才臣蜀守文翁選開敏才士張叔等詣京師受業每行縣益從學官諸生明經飭行者與俱卒得司馬長卿爲一代詞人冠此兩公者興學好文雅纔堪配公諸學人椎魯少文卽不能疏治安賦上林如賈太傅司馬長卿而

披肝析膽誓世世子孫無相忘不知當時吳公去河南文翁去成都兩郡弟子員能頌德慕義無窮如今日不公往矣風裁注措且遍三晉烏雞白龍之間可以安枕無慮矣諸學人誠不能報公不佞誠不能代諸學人報公則願公暨寄節鎮蚤登樞要主張國是匡濟時艱以附張光祿李太尉權平章諸鄉先達之後則或足概公生平亦或于諸學人私心尸祝之願不負耳

送廣平郡守劉際明入覲序

代

吾郡古廣武地當昂畢之分東至漕北倚常山襄國

南達魏西臨太行稍折而南郵置往來所謂走邯鄲道也其民椎魯少文其俗微重而矜節其土產五穀梨棗桑麻滏洛交流濁漳近且入焉荷稻菱芡之利在所有之每歲直指使者纔一至每三歲督學使者纔一至塗僻訟簡蒞吾郡者可卧閣而理故都下爲之語曰南廬北廣語樂國也日來天災流行時政紛拏曲梁天臺苦河伯平于雞澤斥漳苦蚬蠶邯鄲臨洛間苦鷄鶉使者昔時臨閣而理今不無蓬心而憂矣客歲陳留際明劉公始來守吾郡公先在臺中稱名御史後以言事與時忤出守溫州已移吾郡郡人士聞其來如赤子之望慈父母公响喻調劑一切奉法循理與民休息民無弗于于安之葛藟列人平恩普樂之間不復知旱潦之爲災與礦稅使者之縱橫矣居亡何

主上將以明年庚子正月開明堂受諸郡國成事而公以今歲倣裝北上于是公之僚某某走一介都下問贈言于余余自惟蒙

主上渥恩拔管戎政每從諸大老後伏闕上疏爭時事紕漏十不能得一當自媿殊負古大臣之誼公今且入矣公故爲御史藉甚有聲公所蒞郡固

國家股肱郡而公今日治行又海內異等

主上聞其狀將必聽然色喜曰是昔不難諤諤于臺

者今果不難廩廩于守其為朕亟條時政以聞公于

時必具對曰臣先在西臺日侍

陛下交戟之中是時波恬風靜臣猶慮過憂天切抱

火厝薪之懼今即南北盪平東西無警而權稅採金

與詔逮緹繫者日甚一日此如火之燎原不易嚮邇

當事者方將焦頭爛額為撲滅之計

陛下奈何泄泄憲憲以祖宗二百三十餘年之天下

為戲耶明主可與忠言臣在外久亟知海內嗷嗷狀

伏惟

陛下聽臣一得之言臣不勝主臣死罪死罪

主上聞此語能勿愀然變文采下詔罪已舉今日新

政一切報罷乎果爾是余與二三大老力不能得而

公得之公之功德又不專在吾郡而波及海內也公

入矣余且于光祿宴上遣一介私間之

廣武郡理胡懷南治最承 恩序

世人率以吏治有別材非文章之士可辦故往往岐

吏治文章為二余謂文章顧真與不真耳左案右牘

較晨經暮史更易而謝華啓秀籠天地而挫萬物者

其人必非握齷無當于用故夫文章政所以緣飭吏治也余徃待罪陽丘則今廣武郡理懷南胡公業已哀然譽貴諸造士間余間請公所爲制舉業讀之其沈辭怫悅若游魚銜鈎而出重淵之深其浮藻聯翩若翰鳥纓繳而墜曾雲之峻其函縣邈而吐滂沛又若風飛焱豎芳蕤馥而青條森也蓋亟賞鑒以爲異日必能用經術經世務亡何卽舉乙未高等進士除廣武郡理廣武故河北一都會土廣俗褻以風勢相高而公從直指使者巡行諸郡縣足跡徧畿南其所部獄訟錢穀儼然大府有過無不及公一切立辦而

仁心爲質每有疑獄輒求其生以故三郡方千里間藉公平反者甚夥間以其暇進高等諸學人爲談說經義擘畫本業諸學人無不人人得其所欲曰吾師吾師云余益于公益信文章吏治果不可岐而二而世儒竊詬文人無用信非知言之選也公三年治成爲三輔冠兩臺撮公治狀以聞

主上嘉嘆再四下之天部封公文林郎并贈故太翁大母各如秩畿南諸郡無不舉首加額曰吾儕小人荷公無量功德無以報微

主上其孰能爲吾儕小人報公而曲梁牛生映奎等

若干人則嘗從公譚說經義而壁畫本業者來謁余
言往賀余辱在公知己不忍以少文辭蓋嘗歷覽陽
丘山川之秀長白繡江盤錯其間孕而爲人多風流
文藻瑰瑋磊落能自致于用若員半千劉文簡張文
忠文穆並用文章宦業光爛史冊

明興二百餘禩卽顯赫後先不乏而尚未有追配古
人者公豈其人乎且天步多艱國是漸非

主上方深居高拱日持籌商財賄伏蒲批鱗近益寥
寥公行召入大拜儻如劉文簡之疏陳十事張文忠
之切諫張燈半千文穆之禮化大行名聞四裔一振

二百年之靡且令海內人士推爲嚆矢曰陽丘胡公
有先輩典刑不若晚近文章士握齷無用不佞且藉
手永知人之譽區區今日恩典卽賁泉壤光間里要
自公等閒事烏足概公或公亦不以此自概也

繁露園集卷之一 終

身... 卷之二

十八

